


Aquam Salis. NB. In allen Putrefactionibus die Vasa wol verlutiert damit kein Spiritus darvon rieche.

Deinde nimb das ☉ / das zum dritten mahl durch den $\frac{1}{2}$ gangen ist / laß auff das dünnest laminieren / oder nimb an dessen statt fein geschlagen ☉ / thus in ein starcken Kolben mit einem langen Hals / schütte darüber ∇ Salis Spiritualem wie obgemeldet / Hermetice versigilliert / vnd stels in Digestionem auff wenigst vier wochen lang oder fünff / damit es sich vereiniget / postea schneid das glaß ab / das du einen Alembic behab darauß setzen köntest / vnd bestreich mit einem dünnen Luto den kolben / setz das / so ferz das ∇ vnd ☉ im glaß herauß gehet / also tieff in ein äschen / vnd ein guten vorlag darvor / füge die gläser wol zusammen / vermachs wol / distilliers zum fünfften / oder sechsten mahl herüber / dann wann es erkaltet / brichs auff / thue das ☉ sampt der gangen Materi, wie es ist im köblein blieben in ein grosse reine schüssel / gieß zum öftermahl warm distilliert Regenwasser daran / vnd wider darvon gewaschen / damit die falsedo alle darvon kompt / so bleibt das Goldt in Pulver weiß am boden / dann das Salk greiffet nicht bleiblich in die Substantz des Goldes. Item geuß vber solches abgetrücknetes Alcool des Goldes einen Sp. Vini, vnd nicht Vinum ardens, das er zum wenigsten sechs finger hoch darüber gehe / vber das Goldt in ein subtylen kolben oder Viol, nach der Proporz des Goldts / stels zu putrificieren zum wenigsten ein Monat in ein heiß Mar. Bal. so komt die Farb des Golds in Sp. Vini, die geuß oben ab in ein besonder glaß / vnd magst zu einem vberfluß zu dem andern mahl Sp. Vini darüber gießen / vnd auch zum dritten mahl / biß du die farben alle auß dem Goldt gezogen / vnd das Corpus Solis Weiß bleibt mit vorgemeldetem Proceß / dann scheidts auff lindem Fewr oder dämpbadt den Sp. Vini von der Form des Goldts / vnd brauchts wie in der Administration angezeigt. Wilt du aber den Præcipitat von dem Goldt haben / so mustu das Goldt / wie vorgemeldet / wann es durch distilliert Regenwasser abgefüsset / vnd getrücknet worden / vnd im Reverber vier vnd zwenzig stundt also reverberieren / vnd denselbi-

gen Præcipitatum Solis nach seinem
Proceß brauchen,



SEQVVN-